



POTPUN OBUHVAT STANOVNIŠTVA ZDRAVSTVENOM ZAŠTITOM U BIH

Vlasti u Bosni i Hercegovini (BiH) prepoznaju reformu zdravstvenog sektora kao hitni prioritet za unaprjeđenje kvaliteta zdravstvene zaštite, efikasnosti, upravljanja zdravstvenim ustanovama i u širem smislu upravljanja zdravstvenim sistemima u BiH. Kao odgovor na zahtjev vlasti projekt *Tehničke podrške za reformu zdravstva u Bosni i Hercegovini* pruža podršku Republici Srpskoj (RS) i Federaciji Bosne i Hercegovine (FBiH) za povećanje kvaliteta i financijske održivosti njihovih zdravstvenih sistema, time doprinoseći uspostavljanju otpornih zdravstvenih sistema zasnovanih na primarnoj zdravstvenoj zaštiti sposobnih za napredak u pravcu postizanja univerzalnog obuhvata zdravstvenom zaštitom u BiH.

Projekt implementira Svjetska banka putem Više-donatorskog povjerilačkog fonda za zdrav život, prehranu i stanovništvo (HLPN). U BiH, taj povjerilački fond predstavlja dobrodošlu saradnju između Švicarske razvojne agencije, Delegacije Evropske Unije i Svjetske banke i odražava dugogodišnje partnerstvo između Svjetske banke, domaćih vlasti i ostalih razvojnih agencija na ubrzanju društvenog i ekonomskog razvoja BiH.

CILJEVI PROJEKTA

Osnovni cilj je doprinijeti uspostavljanju otpornih zdravstvenih sistema zasnovanih na primarnoj zdravstvenoj zaštiti, sposobnih za napredak u pravcu postizanja univerzalnog obuhvata zdravstvenom zaštitom u BiH.

OČEKIVANI ISHODI

- Povećan kapacitet davalaca zdravstvenih usluga za pružanje kvalitetnijih usluga.
- Veća financijska održivost davalaca zdravstvene zaštite i ustanova.
- Veći angažman građana u monitoringu i promociji reforme zdravstva.

Ti će ishodi u srednjoročnom do dugoročnom periodu dovesti do zdravstvene zaštite u čijem je centru čovjek i koja je više usmjerena na rezultate, do ostvarivanja zakonskih preduslova i donošenja odgovarajućeg okvira politike za uvođenje i širenje integriranog pružanja usluga primarne zdravstvene zaštite u čijem je centru čovjek, do povećanja kvaliteta usluga i unaprjeđenja dijaloga o zdravstvenoj zaštiti.

IMPLEMENTACIJA PROJEKTA

Projekt financira niz aktivnosti koje su pripremljene u bliskoj saradnji s Ministarstvom zdravlja i socijalne zaštite RS i Federalnim ministarstvom zdravstva, a odnose se na pružanje ciljanih savjetodavnih usluga i analiza, obuku i razmjenu znanja. Projekt ima tri stuba i tri grupe odnosnih aktivnosti, koje će se implementirati u oba entiteta:

Stub 1: Implementacija primarne zdravstvene zaštite u čijem je centru čovjek. Ove će aktivnosti pružiti podršku za jačanje primarne zdravstvene zaštite, naročito za pacijente s hroničnim nezaraznim bolestima. Uključivaće izradu kliničkih puteva/vodiča, pripremu i provođenje programa obuke, procjenu digitalnog zdravstva i izradu strategije digitalnog zdravstva, zdravstvena istraživanja i procjene u svrhu širenja uloga primarne zdravstvene zaštite i medicinskih sestara.

Stub 2: Povećanje efikasnosti potrošnje i širenje fiskalnog prostora za pružanje zdravstvenih usluga. Te će aktivnosti olakšati povećanje financijske održivosti zdravstvenog sektora, provođenje procjene mogućnosti za povećanje prihoda i povećanje efikasnosti potrošnje. Obuhvatiće studije i konsultacije za utvrđivanje novih cijena zdravstvenih usluga zasnovanih na stvarnim troškovima izabranih puteva zbrinjavanja, davanje preporuka za reviziju osnovnog paketa usluga, povećanje primjene objedinjene nabavke, obuku i izgradnju kapaciteta za financijsko upravljanje, te studije za procjenu opcija za širenje baze prihoda za zdravstveni sektor.

Stub 3: Jačanje socijalnog dijaloga o reformi zdravstva: Ove će aktivnosti olakšati sistematski angažman građana u reformi zdravstva na nivou sistema i zdravstvenih ustanova, kao načina za povećanje odgovornosti u zdravstvenom sistemu. Obuhvatiće konsultacije i zagovaranje usmjerene na donosiocima odluka i zdravstveno osoblje, donošenje planova angažmana građana i pripremu anketa zadovoljstva pacijenata, kampanja komunikacije i obuka u vezi s angažmanom građana.

ZNAČAJ PROJEKTA I PRETHODNI REZULTATI

Zdravstveni ishodi u BiH su u skladu s regionalnim prosjecima, ali zaostaju za EU i OECD zemljama. Glavni javno-zdravstveni izazov u BiH je veliki teret nezaraznih hroničnih bolesti, koje su, prema procjenama, uzrok 94 procenata godišnjih smrti u zemlji. Spor napredak BiH na unaprjeđenju zdravstvenih ishoda je uzrokovan dvostrukim izazovom koji se odnosi na nizak kvalitet zdravstvene zaštite i slabu financijsku održivost. Ovi izazovi međusobno pojačavaju uticaj na učinak sistema i imaju više zajedničkih uzroka, kao što su neefikasna mreža preventivnih, primarnih i sekundarnih zdravstvenih usluga, nedostaci u planiranju i upravljanju podacima, upravljačke i strukturne neefikasnosti i nepostojanje odgovarajućeg sistema plaćanja, koji bi stimulirao pružanje kvalitetne zdravstvene zaštite u čijem je centru čovjek, nepostojanje mehanizama stimulacija i odgovornosti, te nestabilni sistemi financiranja zdravstva.

Namjera projekta je da pruži pomoć za prevazilaženje tih izazova i ubranje transformacije sistema u BiH kroz regulatorne izmjene, analizu, obuku i razmjene znanja, pružanje informacija za investicije u kvalitet i financijsku

održivost. U okviru zdravstvenog portfelja Svjetske banke, ovaj je projekt dio programa koji ima više pravaca usmjerenih na rješavanje dugotrajnih izazova neizmirenih obaveza u zdravstvenom sistemu, nedovoljne odgovornosti i kvaliteta. On obuhvata 100 miliona US\$ za financiranje razvojne politike za regulatorne i zakonske izmjene i 75 miliona US\$ za Projekt unaprjeđenja zdravstvenih sistema za investiciono financiranje u sektoru, pružanjem strateške tehničke pomoći za izgradnju tehničkih i operativnih kapaciteta za te složene reforme.

PROJEKT UKRATKO

NAZIV: Tehnička podrška za reformu zdravstva u Bosni i Hercegovini

PARTNERI: Svjetska banka – implementacioni partner, Delegacije Evropske Unije – kodonator, Federalno ministarstvo zdravstva, Ministarstvo zdravlja i socijalne zaštite Republike Srpske.

POLAZNA OSNOVA/OSNOVNE INFORMACIJE:

Projekt predstavlja saradnju između Švicarske razvojne agencije, Delegacije Evropske Unije i Svjetske banke u cilju pružanja pomoći zemlji na uspostavljanju otpornog zdravstvenog sistema u čijem je centru pacijent. Ovaj projekt predstavlja komplementarnu tehničku pomoć za financijsku podršku od Svjetske banke za širu reformu zdravstvenog sektora u BiH.

CILJ PROJEKTA: Cilj projekta je pružanje doprinosa za uspostavljanje otpornog zdravstvenog sistema zasnovanog na primarnoj zdravstvenoj zaštiti, sposobnog za napredak u pravcu ostvarivanja univerzalnog obuhvata zdravstvenom zaštitom u BiH.

CILJNA GRUPA: Ministarstva zdravstva, fondovi zdravstvenog osiguranja, zavodi za javno zdravstvo, agencije za osiguranje kvaliteta, zdravstvene ustanove i strukovne organizacije. Primarna ciljna grupa su kreatori zdravstvene politike i zdravstveni radnici u BiH. Krajnji korisnici projekta su korisnici zdravstvenih usluga tj. kompletno stanovništvo BiH.

IZNOS: USD 6,135 (od čega doprinos Švicarske USD 2,363)

TRAJANJE: 01. juni 2023.g. – 31. januar 2027.g.

Together, we move forward



eda.admin.ch/sarajevo



[SwissEmbassySarajevo](https://www.facebook.com/SwissEmbassySarajevo)



[SwissEmbassySarajevo](https://www.instagram.com/SwissEmbassySarajevo)



[SwissEmbassySarajevo](https://www.youtube.com/SwissEmbassySarajevo)



[SwissinBiH.ba](https://www.swissinfo.ch/SwissinBiH.ba)